



«ՍԵՎԱՆԻ Խ. ԱԲՈՎՅԱՆԻ ԱՆՎԱՆ ԱՎԱԳ ԴՊՐՈՑ» ՊՈԱԿ

ՀԵՐԹԱԿԱՆ ԱՏԵՍՏԱԿՈՐՄԱՆ ԵՆԹԱԿԱ

ՈՒՍՈՒՑԻՉՆԵՐԻ ԿԵՐԱՊԱՏՐԱՍՏՄԱՆ ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

**ԹԵՄԱ՝ ՍՈՎՈՐՈՂՆԵՐԻ ԻՐԱՎՈՒՆՔՆԵՐԻ ՈՒ ԱԶԱՏՈՒԹՅՈՒՆՆԵՐԻ,
ՊԱՏԿԻ ՈՒ ԱՐԺԱՆԱՊԱՏԿՈՒԹՅԱՆ ՊԱՇՏՊԱՆՈՒԹՅՈՒՆԸ
ԱՌԱՐԿԱՅԻ ԴԱՍԱՎԱՆԴՄԵՆ ԸՆԹԱՑՔՈՒՄ**

ՀԵՂԻՆԱԿ՝ ԴԵՐԵՆԻԿ ԲԱԲԱՅԱՆ

ԽՈՒՄԲ/ԱՌԱՐԿԱՎ՝ ՈՍ, ԿԵՆՍԱԲԱՆՈՒԹՅՈՒՆ

ՍԵՎԱՆ 2023

ԲՈՎԱՆԴԱԿՈՒԹՅՈՒՆ

1. Ներածություն 3
2. Իրավունք, արժանապատվություն, պատիվ
հասկացությունները, դպրոցում դրանց դրսևորումները
..... 4-6
3. Հետազոտական աշխատանք 7-11
4. Եզրակացություն 12-14
5. Օգտագործված գրականության ցանկ 15

ՆԵՐԱՃՈՒԹՅՈՒՆ

Առանց խտրականության բոլոր երեխաներն օժտված են նույն իրավունքներով: Իրավունքի կարևոր մասերից է կրթության հավասար պայմանների ստեղծումը, որը հռչակում է որպես յուրաքանչյուր երեխայի կրթության իրավունքի ապահովման երաշխիք: Սովորողների իրավունքների, պարտականությունների արժանապատվության պաշտպանումը նշանակում է, որ դպրոցը կարողանում է որակյալ կրթություն ապահովել բոլոր երեխաների համար, անկախ նրանց տարատեսակ կարողություններից: Նման մոտեցումը հնարավորություն է տալիս լիարժեք կերպով զարգացնել երեխաների անհատական կարողությունները, ապահովել նրանց սոցիալականացումը հասարակական կյանքի բոլոր ոլորտներում: Այն ենթադրում է համակարգի, այլ ոչ թե երեխայի հարմարեցում: Պարզապես երեխաներին անհրաժեշտ է հասկանալի:

Արժանապատվությունը մարդու իրավունքների հիմնարար հասկացություն է, բարձրագույն և առանցքային արժեք, մարդու անօտարելի իրավունք, որը հատուկ է նրան ծնված օրից: Անձի արժանապատվությունը այն հիմքն է, որի վրա կառուցված է մարդու իրավունքների համակարգը: Արժանապատվությունը սկզբունք է, որը պաշտպանվում է որպես իրավունք՝ առանձին և այլ իրավունքների համատեքստում:

Շատ կարևոր է դասավանդման ընթացքում սովորողների մեջ սերմանել պատիվ և արժանապատվություն, իրավունք և ազատություն:

Չետագոտության նպատակն է ուսումնասիրել սովորողի իրավունքների և ազատությունների, պատվի և արժանապատվության պաշտպանությունը առարկայի դասավանդման ընթացքում: Չետագոտության խնդիրներն են՝ ուսումնասիրել արժանապատվություն, պատիվ, հասկացությունները, վերլուծել սովորողների իրավունքների, արժանապատվության պաշտպանությունը առարկայի դասավանդման ընթացքում: Իրականացնել արդյունքների ամփոփում և վերլուծություն:

Իրավունք, արժանապատվություն, պատիվ հասկացությունները, դպրոցում դրանց դրսևորումները

Ներկայիս փոփոխությունները/ ներառական կրթական համակարգ/ խիստ արժեքավոր են քանի, որ տալիս են հավասար իրավունք և հնարավորություն բոլորին: Ներառական կրթություն ասելով հասկանում ենք կրթության առանձնահատուկ պայմանների կարիք ունեցող, զարգացման առանձնահատկություններին համապատասխան, անհրաժեշտ պայմանների և հարմարեցված միջավայրի ապահովման միջոցով կրթական գործընթացին առավելագույն մասնակցության և հանրակրթության պետական չափորոշչով սահմանված արդյունքի ապահովում:

Նման մոտեցումը կարող է ապահովել բոլոր սովորողների կրթական կարիքները: Դպրոցը պետք է կարողանա որակյալ կրթության ապահովել բոլոր երեխաների համար, անկախ նրանց տարատեսակ կարողություններից: Բոլորը պետք է հարգալից վերաբերմունքի արժանանան և ստանան համատեղ սովորելու համար հավասար հնարավորություններ:

Դպրոցը և ուսուցչամանկավարժական անձնակազմը պատասխանատվություն են կրում ստեղծելու այնպիսի միջավայր, որը միտված կլինի զարգացնելու յուրաքանչյուր աշակերտի ներուժը և կարողությունները: Ուսուցումը պետք է խթանի և ոչ թե խոչընդոտի երեխայի զարգացումը: Ճիշտ կրթական ծրագիրը բացառում է ամեն տեսակ խտրականություններ երեխաների նկատմամբ, ապահովում է հավասար վերաբերմունք բոլոր մարդկանց հանդեպ: Նման մոտեցումը ձգտում է հասնել ուսուցման նկատմամբ առավել ճկուն մոտեցման՝ բավարարելու մարդկանց զանազան կրթական պահանջները: Եթե իրավունքների, ազատությունների մասին կրթության մտցրած փոփոխությունները ուսուցումն ավելի արդյունավետ դարձնեն, ապա կշահեն բոլոր երեխաները: Այսպիսով, սովորողի խնդիրների և դժվարությունների մեծ մասը լուծելի է հանրակրթական դպրոցում՝ անհրաժեշտ նախապայմաններ ապահովելու դեպքում:

Անհրաժեշտ է հաղթահարել ուսուցիչների մոտ առաջացած տազնապը այն հարցերի շուրջ, որ իրենք ի վիճակի չեն լուծելու կրթության առանձնահատուկ պայմանների կարիք ունեցող աշակերտների խնդիրները: Մանկավարժները կարող են օգնել կրթության առանձնահատուկ պայմանների կարիք ունեցող աշակերտներին բազմաթիվ հարցերում, սակայն միայնակ չեն կարող հաղթահարել

աշակերտի բոլոր խնդիրները:

Դպրոցում երեխաներին միմյանցից առանձնացնելու օրինական հիմքեր չկան, ուստի բոլորը հավասար մոտեցումներով պետք է սովորեն միասին. դա օգտակար կլինի բոլորիս համար: Պետք չէ նրանց պաշտպանել միմյանցից: Բոլոր երեխաներին պետք է կրթություն, որը կօգնի նրանց հարաբերություններ հաստատել և պատրաստվել կյանքին հասարակության մեջ: Միայն հավասար մոտեցումը կարող է նվազեցնել վախը և նպաստել բարեկամության, հարգանքի ու փոխըմբռնման հաստատման: Կրթությունը պետք է համարվի ցանկացած անձի մարդկային ու ֆունկցիոնալ զարգացմանը նպաստող միջոց՝ անկախ ֆիզիկական կամ այլ խոչընդոտներից: Նման մոտեցումը օգնում է հաղթահարելու խտրականությունը, նպաստում է աղքատության պատճառով առաջացող օտարման կամ բացառման երևույթների վերացմանը, բարձրացնում է կրթության որակը:

Դասապրոցեսի ընթացքում հավասար պայմանների և մոտեցման ստեղծումը օգնում է երեխաների անհատական կարողությունների, նրանց սոցիալականացումը հասարակական կյանքի բոլոր ոլորտներին և, ի վերջո, իրենց ուժերի սահմաններում հետագայում բարձրացնում են սեփական կենսամակարդակը: Կարևոր խնդիր է նաև ծնողների ներգրավվածությունը, երեխաների զարգացման և դաստիարակության գործընթացին:

Աշխատանքները կարելի է կազմակերպել հետևյալ սկզբունքով.

- Բոլոր երեխաները խմբի լիարժեք անդամներ են, ունեն միևնույն իրավունքները,
- Խմբում ստեղծել հանդուրժողականության մթնոլորտ:
- Խորհուրդ տալ ուսուցչին երբեմն անտեսել երեխայի վատ վարքագիծը, որը նպատակ ունի իր վրա ուշադրություն սևեռել: Եթե երեխան իրեն ճիշտ է պահում՝ չխնայել խրախուսանքը, գովեստը:
- Օգնել ուսուցիչներին ոչ միայն բացահայտելու աշակերտի թույլ և ուժեղ կողմերը, այլև դասը կազմակերպել՝ հենվելով ուժեղ կողմերի վրա:

Այսպիսով, Ներկայիս կրթական քաղաքականությունը նպատակաուղղված է յուրաքանչյուր երեխայի կրթության մատչելիության, հավասար մասնակցության հնարավորության և որակի ապահովմանը: Որակյալ կրթության եռությունը յուրաքանչյուր երեխայի կարիքների գնահատումն է և կրթության գործընթացում երեխայի ակտիվ մասնակցության խրախուսումը: Բոլոր երեխաների իրավունքն է ստանալ լիարժեք կրթություն առանց խտրական վերաբերմունքի,

արժանապատվության ոտնահարման: Ներառական կրթությունը լիարժեք ապահովում է սահմանափակ հնարավորություններով սովորողների իրավունքները և արժանապատվությունը :

Շատ կարևոր է դասավանդման ընթացքում սովորողների մեջ սերմանել պատիվ և արժանապատվություն, իրավունք և ազատություն: Մարդու իրավունքների հիմնարար սկզբունք լինելուց զատ՝ արժանապատվությունը նաև բարոյագիտական հասկացություն է: Անձի արժանապատվությունը մյուս մարդկանցից պահանջում է հարգել անհատին, ճանաչել նրա համապատասխան իրավունքներն ու հնարավորությունները: Արժանապատվությունն է սովորողների մեջ ծնում պատասխանատվության զգացումը: Եթիկայում ազատությունը կապված է մարդու մոտ կյանքի ազատության առկայության հետ: Ազատություն ասելիս հասկանում ենք մարդու անհատականության անարգել, բազմակողմանի ուսումնասիրությունն ու բացահայտումը, այն դիտարկվում է որպես մարդու բարոյաստեղծագործական բնույթի բացահայտում: Արժանապատվությունը այն հիմքն է, որը ընկած է մարդու իրավունքների հիմքում: Այն նաև փիլիսոփայական և բարոյագիտական հասկացություն է: Արժանապատվությունը ընկալվում է որպես մարդու հատուկ բարոյական վերաբերմունքը և հասարակության վերաբերմունքը իր հանդեպ, որտեղ ընդունվում է անձնավորության արժեքը: Երեխան իրավունք ունի ազատորեն արտահայտելու իր կարծիքը, այդ իրավունքը ներառում է ցանկացած բնույթի տեղեկատվություն և գաղափարներ որոնելու, ստանալու և հաղորդելու ազատությունը՝ անկախ սահմաններից, գրավոր կամ տպագիր ձևով, ստեղծագործության տեսքով կամ այլ միջոցներով՝ երեխայի ընտրությամբ:

Յետագոտական աշխատանք

«Երեխայի իրավունքների մասին» ՄԱԿ-ի կոնվենցիան ամփոփ ամբողջական եղանակով ներկայացնում է երեխայի իրավունքները: Կոնվենցիան կազմված 4 հիմնարար սկզբունքներից(հոդվածներից) որոնք նպատակաուղղված են ապահովելու երեխաների իրավունքների լիակատար և արդյունավետ կիրառումը: Երեխաների համար հավասար հնարավորությունների ապահովումն ու նրանց իրավունքների պաշտպանությունը կախված է նրանից, թե ինչպես են ապահովվում Կոնվենցիայի այդ չորս հիմնաքարային սկզբունքները: Սկզբունքների հիմքում ընկած հիմնական գաղափարն այն է, որ երեխաներն անհատներ են: Երեխաներին հավասար հնարավորություններ տրամադրելու պարտավորությունը սահմանվում է «Երեխայի իրավունքների մասին» կոնվենցիայի 2-րդ հոդվածում:

Բոլոր չափահաս անձինք պետք է անեն այն, ինչը լավագույնն է երեխայի համար, որոշումներն ընդունելիս նրանք պետք է մտածեն, թե իրենց որոշումներն ինչպես կազդեն երեխայի վրա: Երեխայի շահերը բոլոր դեպքերում գերակա են մեծահասակների նկատմամբ: Գաղտնիք չէ, որ ինչքան վաղ է սկսվում երեխայի հետ աշխատանքը, այնքան լիարժեքորեն է նա կարողանում օգտագործել իր ներուժը: Նրանք դառնում են ավելի հանդուրժող, զգայուն՝ դիմացինի կարիքների նկատմամբ, գթասիրտ, միջանձնային հարաբերություններում՝ առավել ճկուն: Կոնվենցիան նաև կոչ է անում պետություններին օժանդակելու այն ընտանիքներին, որոնք չունեն իրենց երեխաների համար կյանքի արժանապատիվ մակարդակ ապահովելու հնարավորություն: Երբ ցանկանում ենք հանգստանալ, խաղալ, կրթություն ստանալ, ապրել համերաշխ ընտանիքում, դրանք էլ մեր իրավունքներն են:

Շատ կարևոր է երեխաներին իրազեկել Յանրակրթության մասին ՀՀ օրենքով իրեն վերապահված իրավունքներն ու պարտականությունները: Յուրաքանչյուր պետություն իր և իր ժողովրդի համար մշակում է օրենքներ, որոնք կձառայեն ողջ հասարակությանը և հասարակության յուրաքանչյուր անդամին: Օրենքները կարգավորում են մեր կյանքը և ծառայում են մեզ: Այդ պատճառով էլ դրանք պարտադիր են բոլորի համար: Մենք էլ մեր հերթին պետք է լավ իմանանք օրենքները և հետևենք դրանց: Ոչ ոք չի կարող օրենքից բարձր լինել: Մեզանից

յուրաքանչյուրն ունի իրավունքներ: Դրանք մեզ ոչ ոք չի նվիրել և ոչ ոք չի կարող մեզանից խլել:

Սովորողի, ուսուցչի իրավունքներն ու պարտականություններն են

Սովորողն իրավունք ունի՝

ա) ստանալու հանրակրթության պետական կրթական չափորոշչին համապատասխան կրթություն:

բ) ծնողի համաձայնությամբ ընտրելու ուսումնական հաստատությունը և ուսուցման ձևը, ինչպես նաև տվյալ ուսումնական հաստատությունում առկա հոսքը, ստանալու կրթական վճարովի ծառայություններ:

գ) անվճար օգտվելու ուսումնական հաստատության ուսումնանյութական բազայից:

դ) մասնակցելու ներդպրոցական և արտադպրոցական միջոցառումների: Ե) պաշտպանված լինելու ցանկացած ֆիզիկական և հոգեբանական ճնշումներից, շահագործումից, մանկավարժական և այլ աշխատողների ու սովորողների այնպիսի գործողություններից կամ անգործությունից, որով խախտվում են սովորողի իրավունքները, կամ ոտնձգություն է արվում նրա պատվին ու արժանապատվությանը:

զ) ուսումնական հաստատության կանոնադրությամբ սահմանված կարգով մասնակցելու ուսումնական հաստատության կառավարմանը:

է) ազատորեն փնտրելու և մատչելիորեն ստանալու ցանկացած տեղեկատվություն, բացառությամբ օրենքով սահմանված դեպքերի:

ը) ազատ արտահայտելու սեփական կարծիքն ու համոզմունքները:

թ) օգտվելու օրենքով և ուսումնական հաստատության կանոնադրությամբ սահմանված այլ իրավունքներից:

Սովորողը պարտավոր է՝

ա) Կանոնավոր հաճախել ուսումնական պարապմունքներին, անհարգելի պատճառով չուշանալ, չբացակայել դասերից:

բ) Սովորել բարեխղճորեն, պահպանել մայրենի լեզվի մաքրությունն ու անաղարտությունը

գ) Խնամքով վերաբերվել դպրոցի շենքին, գույքին և ունեցվածքին, ծառերին ու թփերին.

դ) Հարգել դպրոցի սովորողների և աշակերտների իրավունքներն ու արժանապատվությունը.

ե) Օգնել փոքրերին, հոգատար լինել նրանց նկատմամբ, հարգալից լինել ծնողների, մեծերի, կանանց և աղջիկների նկատմամբ.

զ) Խնամքով վերաբերվել շրջակա միջավայրին, բնությանը, մասնակցել բնության պահպանման աշխատանքներին, շաբաթօրյակներին.

է) Իմանալ և պահպանել անվտանգության տեխնիկայի, հակահրդեհային, ճանապարհային երթևեկության կանոնները, կարողանալ պաշտպանվել տարերային աղետից.

ը) Ամենուր պահպանել մաքրություն, անձնական հիգիենայի կանոններ, չծխել, չօգտագործել ոգելիչ խմիչքներ և թմրանյութեր.

Կրթություն ստանալը մեր իրավունքն է, բայց այն միաժամանակ նաև մեր պարտականությունն է: Մենք պարտավոր ենք ամեն օր գնալ դպրոց, սովորել մեր դասերը, պահպանել դպրոցի ընդունած կանոնները:

Մանկավարժական աշխատողը պարտավոր է՝

ա) հարգել և պաշտպանել սովորողի իրավունքներն ու ազատությունները, պատիվն ու արժանապատվությունը.

բ) նպաստել երեխայի կրթության իրավունքի իրացմանը՝ հաշվի առնելով յուրաքանչյուրի կրթական կարիքների առանձնահատկությունները:

Այսպիսով՝ մենք ունենք տարբեր պարտականություններ, բայց դրանցից ամենակարևորը ուրիշի իրավունքները հարգելու պարտականությունն է: Օրինակ՝ մենք ոչ միայն իրավունք ունենք հարգալից վերաբերմունքի, այլև պարտավոր ենք հարգել ուրիշներին: Օրենքները չիմանալը չի ազատում պատասխանատվությունից, ուստի անհրաժեշտ է աշակերտներին դեռ մանկուց իրազեկել հասարակական կարգ ու կանոնի, օրենքի, իրավունքի ու պարտականության, հավասարության և արդարության կարևորության մասին:

Չետագոտության մեթոդները՝ գրույց-քննարկում, դիտարկում, համեմատում: Ի վերուստ երեխաներն օժտված են իրավունքներով, մեծահասակները և պետությունը պարտավոր են պաշտպանել այդ իրավունքները: Չետագոտության նպատակն է ուսումնասիրել սովորողի իրավունքների և ազատությունների, պատվի և արժանապատվության պաշտպանությունը կենսաբանությունն առարկայի դասավանդման ընթացքում: Մասնավորապես առարկան նպատակ ունի հիմքեր դնել և սովորողներին օգնել՝

- հասկանալ սեփական ինքնությունը որպես անձ և անհատականություն,
- ընդունել մարդուն որպես բարձրագույն արժեք, ընդունել իր հասակակիցներին՝ հարգելով նրանց առանձնահատկությունները, միմյանց նկատմամբ դրսևորել հարգալից և ոչ խտրական վարքագիծ,
- ճանաչել բնությունը, որպես կենսաբանական բարձրագույն արժեք
- արդյունավետ հաղորդակցվել, հասկանալ, քննադատաբար վերլուծել տարբեր տեսակետներ, արտահայտել սեփական կարծիքը, բնության և բնապահպանական խնդիրների նկատմամբ
- Իմանալ կենդանիների խնդիրները և պաշտպանել, ուսումնասիրել վերացող տեսակները և լինել սրտացավ:
- հաղթահարել կոնֆլիկտային իրավիճակները, բանակցել և նախընտրել խաղաղ տարբերակներ, կարողանալ զերծ մնալ բռնությունից և բռնություն կիրառելուց:

Առարկայի նպատակն է աշակերտների մոտ սերմանել կենսաբանությունն առարկայի նկատմամբ սեր և հետաքրքրություն, հարցեր ձևավորելու և այդ հարցերի պատասխանը քննելու, գտնելու և վերլուծելուձևական մտածողությունը զարգացնելը: Դա մարդու կյանքում սոցիալական ինքնագիտակցության աճի ժամանակաշրջանն է, և անհրաժեշտ է, որ յուրաքանչյուրի մոտ ձևավորվի արդարացի վերաբերմունք շրջապատի մարդկանց և բնության նկատմամբ: Երեխայի համար շատ կարևոր է հենց այդ տարիքում ընդունված լինել կոլեկտիվի կողմից, լինել նրա լիիրավ անդամը:

‘Իրավունք և պարտականություն’ օգնում է երեխաներին գիտակցել իրենց արարքների հետևանքները, ինչից էլ ծնվում է եթիկայի և բարոյականության գաղափարները: Առարկայի ուսումնասիրությունը նպաստում է սովորողների, բնության՝ բուսական և կենդանական աշխարհի իրավունքների և պաշտպանությունը: Պահպանել դպրոցական համակեցության կանոնները, բերել մեծահասակների և հասակակիցների վարքագծի դրական և բացասական ազդեցության օրինակներ, հստակ արտահայտել ցանկություններն ու կամքը, ոչինչ թույլ չտալ առանց իր ցանկության, երբ դա կարող է վնասել իրեն: Նկարագրել և բերել իրենց առնչվող պարզ օրինակներ ազատության, արդարության և հավասարության, պատասխանատվության և հանդուրժողականության վերաբերյալ: “ Կենսաբանություն” առարկան կոչված է օգնելու երեխային՝ ճանաչել իրեն ոչ միայն որպես անհատ, այլև որպես հասարակության և բնության մասնիկ: Շփվելով տարբեր մարդկանց հետ՝ նրանք սովորում են օրինակելի վարքագիծ դրսևորել հասարակական վայրերում և ձեռք են բերում հաղորդակցման հմտություններ: Առարկայի ուսումնասիրության ընթացքում աշակերտները հնարավորություն են ունենում գիտակցել շրջակա միջավայրի նկատմամբ հարգանքի կարևորությունը՝ մաքուր պահել շրջակա միջավայրը, խնամել կենդանիներին, ուշադիր լինել բուսականության նկատմամբ:

Հավասար պայմաններ ստեղծելիս հաշվի է առնվում յուրաքանչյուր երեխայի հետաքրքրությունները: Ամբողջ տարվա ընթացքում փաստերով և օրինակներով աշխատանք է տարվել այդ գաղափարները զարգացնելու ուղղությամբ, ինչպես նաև հիմք է դրվել հետագա գործողությունների ու գաղափարների զարգացման համար: Այս ամենից հետո նրանք բացատրում էին, թե ինչպես կարող է վարքագիծը ազդել ընկերական հարաբերությունների վրա և ինչ կարող է լինել կանոններին չհետևելու դեպքում: Բերվել են օրինակներ պարտականությունների մասին: Օրինակ՝ դասերին չիոսել և ուշադիր լինել, սենյակային բույսերը խնամել և չվնասել, աղբը զգել աղբամանը և այլն: Երեխաները մասնակցում են այն միջոցառումների որոնք կօգնեն կանխելու երեխաների նկատմամբ խտրականությունը:

Եզրակացություն

Երեխան դպրոց հաճախելու առաջին իսկ օրվանից պետք է իմանա իր իրավունքներն ու պարտականությունները, ինչպես նաև իր ազատությունների ու պատվի, արժանապատվության պաշտպանությունը: Այդ գործում շատ մեծ դեր ունի ուսուցիչը: Ուսուցչի հետևողական աշխատանքի և խիստ ուշադրության արդյունքում սովորողը կհասկանա և կկարողանա իր տարիքին համապատասխան հստակ պատկերացնել իր իրավունքներն ու պարտականությունները: Մենք պետք է միշտ հիշենք, որ մեր արարքները ոչ միայն մենք ենք գնահատում, այլ նաև ուրիշները: Մեր կատարած քայլերը տարբեր հետևանքներ կարող են ունենալ ոչ միայն մեր, այլև շրջակա միջավայրի համար: Երբեմն մեր որոշ արարքներ կարող են և վտանգավոր լինել: Դպրոցն ու դասարանն այն վայրն է, որտեղ աշակերտն իրեն պետք է ապահով և լավ զգա: Մենք չպետք է մոռանանք, որ ամեն արարք իր արձագանքն ունի: Որևէ բան անելուց առաջ պետք է միշտ մտածենք, թե ինչ հետևանքներ այն կունենա: Երբեք թույլ չտանք մեզ կամ ուրիշներին վնասող արարք, ով էլ որ մեզ դրան դրդի: Յուրաքանչյուրս ունենք մեր ուժեղ և թույլ կողմերը՝ ինչ-որ բան ավելի լավ ենք կարողանում անել, մի այլ բան էլ դժվարությամբ ենք կարողանում անել կամ ընդհանրապես չենք կարողանում: Պետք է հիշենք նաև, որ մեր իրավունքներն ու պարտականությունները փոխկապակցված են:

Այսպիսով, մանրամասնորեն ուսումնասիրելով սովորողի իրավունքները և ազատությունները, պատվի և արժանապատվության պաշտպանությունը \կենսաբանություն\ առարկայի դասավանդման ընթացքում եկանք այն եզրակացությանը, որ սկսած 1-ին դասից առարկայի դասավանդման ընթացքում պարտադիր է սովորողների իրավունքների և ազատությունների, պատվի և արժանապատվության պաշտպանությունը, քանի որ մարդը համարվում է բարձրագույն արժեք: Հետազոտության արդյունքների վերլուծությունը ցույց տվեց, որ դասավանդման գործընթացի նպատակային կազմակերպումը հանգեցնում է սովորողների իրավունքների և ազատությունների, պատվի ու արժանապատվության պաշտպանության բարձրացմանը: Արժանապատվությունը մարդու իրավունքների հիմնարար հասկացություն է, բարձրագույն և առանցքային արժեք, մարդու անօտարելի իրավունք, որը հատուկ է նրան ծնված օրից: Անձի արժանապատվությունը այն հիմքն է, որի վրա կառուցված է մարդու իրավունքների

համակարգը: Արժանապատվությունը սկզբունք է, որը պաշտպանվում է որպես իրավունք՝ առանձին և այլ իրավունքների համատեքստում:

Շատ կարևոր է դասավանդման ընթացքում սովորողների մեջ սերմանել պատիվ և արժանապատվություն, իրավունք և ազատություն:

Արժանապատվությունը մարդու իրավունքների հիմնարար հասկացություն է, բարձրագույն և առանցքային արժեք, մարդու անօտարելի իրավունք, որը հատուկ է նրան ծնված օրից: Անձի արժանապատվությունը այն հիմքն է, որի վրա կառուցված է մարդու իրավունքների համակարգը: Սովորողների իրավունքների, պարտականությունների արժանապատվության պաշտպանումը նշանակում է, որ դպրոցը կարողանում է որակյալ կրթություն ապահովել բոլոր երեխաների համար, անկախ նրանց տարատեսակ կարողություններից: Արժանապատվությունը սկզբունք է, որը պաշտպանվում է որպես իրավունք՝ առանձին և այլ իրավունքների համատեքստում: Շատ կարևոր է դասավանդման ընթացքում սովորողների մեջ սերմանել պատիվ և արժանապատվություն, իրավունք և ազատություն:

Արդյունավետ ուսուցումն առանց սովորողի իրավունքների ու ազատությունների, պատվի ու արժանապատվության պաշտպանության, ինչպես նաև պարտականությունների կատարման անհնար է: Դասապրոցեսում պետք է ստեղծվեն այնպիսի պայմաններ, որ սովորողը հաճույքով հաճախի դպրոց և, որ ամենակարևորն է, զգա, որ իր իրավունքները, պատիվն ու արժանապատվությունը պաշտպանված է: Այդժամ նա լիարժեք կկատարի իր պարտականությունները: Բնականաբար այդ ամենին հետևողն ու հիմնական նպաստողը ուսուցիչն է: Այսպիսի դասընթացները պահանջում են ավելի մեծ պատրաստվածություն: Ուսուցիչը պետք է անընդհատ դրական հուզական մթնոլորտ ստեղծի դասաժամին, իսկ դրա համար անհրաժեշտ է ամրապնդել սովորողի վստահությունը իր անձի նկատմամբ: Այս ամենին հնարավոր է հասնել ուսուցչի և սովորողի համագործակցության և փոխադարձ հարգանքի շնորհիվ:

Դասապրոցեսի ընթացքում մանկավարժների հիմնական մոտեցումը պետք է բխի այն գաղափարից, որ յուրաքանչյուր աշակերտ կարող է սովորել և ստեղծագործել, անկախ ունեցած ֆիզիկական, մտավոր հնարավորություններից, և/կամ ռասայական, կրոնական պատկանելիությունից: Միևնույն ժամանակ, նոր կրթական մոտեցումները /ներառական կրթություն/ չի կարող զարգանալ հանրակրթության համակարգից դուրս: Մանկավարժական ճիշտ մոտեցումը

նպաստում է հասարակության բոլոր անդամների հնարավորությունների հավասարեցմանը՝ հաստատելով նոր հարաբերություններ և ստեղծագործական հնարավորություններ, որոնք անցյալում անհնար էին՝ խտրական վերաբերմունք, արմատացած բուլլինգ, արժանապատվության ոտնահարում: Այսպիսով ճիշտ մոտեցումը ընդունում և հարգում է երեխաների տարբերությունները՝ տարիքը, սեռը, ծագումը, լեզուն, զարգացման առանձնահատկությունները, անհատական առանձնահատկությունները, ընտանիքի սոցիալական կարգավիճակը և այլն, և չի ենթարկում արժանապատվության ոտնահարման կամ նվաստացման: Ուստի, սովորողի խնդիրների և դժվարությունների մեծ մասը լուծելի է հանրակրթական դպրոցում՝ անհրաժեշտ նախապայմաններ ապահովելու դեպքում:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

- 1. Եկեք սովորենք երեխայի իրավունքները**
- 2. /ՄԱԿ/-ի կոնվենցիա**
- 3. ՀՀ օրենսգիրք**
- 4. Համացանց**